

法海觀瀾

古吳蕩益比丘智旭輯
中山湯學紳康民閱梓

福建莆田广化寺印

贈送結緣

不准賣錢

法海观澜卷一

古吴蒹葭比丘智旭辑
中山汤学绅康民阅梓

律学维纲

○大方广佛华严经贤首品云。若常信奉於诸佛、则能持戒修学处常持戒修学处、则能具足诸功德。又云。家是贪爱系缚所、欲使悉免离。故示出家得解脱、於诸欲乐无所爱。

述曰。出家学处、所谓二百五十戒也。戒名波罗提木叉、此解脱。今既示出家得解脱、~~是明此比丘~~五戒法、决能具足诸矣。苟不持修、岂名信佛奉佛、~~谁谓毗尼~~仅属小乘、非即大哉。

明法品云。於去来今佛所说之法、~~四摄法~~戒、皆悉奉持。心不舍是故能令佛法僧种、永不断绝。

十行品中第二行云。佛子。何等为菩萨摩訶萨饶益行、此菩萨护持净戒、於色声香味触、心无所著。亦为众生如是宣说、不求威势。不求种族。不求富饶。不求色相。不求王位。如是一切、皆无所著。但坚持净戒、作如是念。我持净戒、必当舍离一切缠缚贪求热恼诸难逼迫毁谤乱浊、得佛所赞平等正法。佛子。菩萨如是持净戒时、於一日中、假使无数百千亿那由他诸大恶魔、诣菩萨所、一一各将无量无数百千亿那由他天女皆於五欲善行方便。端正姝丽。倾惑人心。执持种种珍玩之具、欲求惑乱菩萨道意。尔时菩萨作如是念、此五欲者、是障道法、乃至障碍无上菩提。是故不生一念欲想、心净如佛。唯除方便教化众生、而不舍於一切智心。佛子。菩萨不以欲因缘故。恼一众生。宁舍身命。而终不作恼众生事。菩萨自得见佛已来。未曾心生一念欲想。何况从事。若或从事、无有是处。尔时菩萨但作是念、一切众生於长夜中、想念五欲。趣向五欲、贪著五欲、其心决定耽染沈溺、随其流转、不得自在。我今应当令此诸魔、及诸天女、一切众生住无

上戒。住净戒已、於一切智、心无退转。得阿耨多罗三藐三菩提、乃至入於无餘涅槃。何以故。此是我等所应作业。应随诸佛如是修学。作是学已、离诸恶行。计我无知、以智入於一切佛法为众生说。令除颠倒。然知不离众生、有颠倒。不离颠倒、有众生。不於颠倒内、有众生。不於众生内、有颠倒。亦非颠倒、是众生。亦非众生、是颠倒。颠倒非内法。颠倒非外法。众生非内法。众生非外法。一切诸法、虚妄不实。速起速灭、无有坚固。如梦如影。如幻如化。诳惑愚夫。如是解者、即能觉了一切诸行、通达生死、及与涅槃。证佛菩提。自得度、令他得度。自解脱、令他解脱。自调伏、令他调伏。自寂静、令他寂静。自安隐、令他安隐。自离垢、令他离垢。自清净、令他清净。自涅槃、令他涅槃。自快乐、令他快乐。佛子。此菩萨复作是念、我当随顺一切如来。离一切世间行、具一切诸佛法。住无上平等处、等观众生、明达境界。离诸过失、断诸分别、舍诸执著。善巧出离。心恒安住、无上无说。无依无动、无量无边、无尽无色。甚

深智慧。佛子。是名菩萨摩訶萨第二饶益行。十地品中第二地专明戒

波罗蜜。第三十卷

随好光明功德品云。诸天子。汝等应发阿耨多罗三藐三菩提心。净治其意、住善威仪。悔除一切业障烦恼障。报障。见障。以尽法界众生数等身、以尽法界众生数等头、以尽法界众生数等舌、以尽法界众生数等善身业、善语业、善意业、悔除所有诸障过恶。

离世间品云。菩萨摩訶萨有十种清净戒。何等为十、所谓身清净戒、护身三恶故。语清净戒、离语四过故。心清净戒、永离贪瞋邪见故。不破一切学处清净戒、於一切人天中作尊主故。守护菩提心清净戒、不乐小乘故。守护如来所制清净戒、乃至微细罪生大怖畏故。隐密护持清净戒、善拔犯戒众生故。不作一切恶清净戒、誓修一切善法故。远离一切有见清净戒、於戒无著故。守护一切众生清净戒、发起大悲故。

入不思議解脱境界普贤行愿品十七卷。大天告善财云如诸众生及草木、一切生长咸依地。世及出世诸善根、皆依最胜尸罗地。无戒欲求生

善道。如鸟无翼欲飞空。如人无足欲游行、亦如渡海无船筏。 或於日

夕三时浴、或复三时作护摩。

此云火祭。谓结坛持咒术。

却粒自默如哑羊、无戒苦身无

所利。或大族子旃陀子、俱能持戒等生天。贵贱种姓亏戒身、皆堕地
狱无差别。卑门持戒生天上、胜族毁犯堕幽冥。摩登持戒亦生天、仙
人破戒入诸狱。王族多闻具色力、恶见无戒如兽豕。如甘果树猛兽
围、犹莲华池毒蛇止。宁守贫贱恒持戒、具圣财宝德严身。破戒众人
之所轻、持戒天人咸信重。旃檀郁金及沈麝、如是一切不为香。菩萨
持戒最胜香、遍出人天无有尽。卑陋持戒后生天、现蒙王者所瞻礼。
此世他生安隐乐、如是戒果牟尼说。欲生人天及涅槃、如应具戒必当
得。是故精勤持净戒、随心所愿皆圆满。若有临终肢节痛、一切亲属
欲分离。谛思我有清净戒、身心欢乐无忧畏。戒为惑病最胜药、护诸苦
厄如父母。痴暗灯炬生死桥、无涯业海为船筏。帝释转轮威德王、富贵
尊严无等伦。家有仆隶能持戒、承事供养而亲敬。若有临至命终时、持
戒破戒生安畏。欲得当来极乐处、应当专意勤护持。戒珠不假刀兵护、

戒为伏藏无所侵。戒为勇伴导前行、戒为出世庄严具。我赞持戒诸功德、如佛世尊真实说。三十一卷。天主光女告善财云。汝应勤修表无表戒、谓若性若遮。有罪无罪、微细观察。无缺减故。三十三卷云。有二种戒、具足受持、则得圆满善知识法。一菩萨戒。二别解脱戒。即比丘学处也。持是二戒、则能圆满善知识法。如佛所说。自不持戒、令他持戒、无有是处。若诸菩萨、具足圆满头陀功德。如是二戒、悉得清淨。不失善法。三十八卷云。菩萨有十种法、审谛思惟具足圆满、则能成就无骄慢心。一者谛观身界、作是念言。我今出家、无殊死人。父母亲爱朋友眷属、一切所有、皆弃舍故。二者思惟我今服坏色衣、进止威仪、不同世间。三者思惟既毁形好、执持应器、乞丐於他。四者思惟我今乞食、如旃陀罗。五者思惟为求段食、长养我身。我之寿命、死在他手。六者思惟所乞之食、人畜之馀。彼若嫌弃、我方得食。七者思惟我今应当於师长所、恭敬供养、令生欢喜。八者思惟我今欲令同梵行者、生欢喜故。具足威仪、无违法式。九者思惟我

今出家、於佛法中。未得少分。十者思惟一切众生、於我瞋恨、我常安隐。如是思惟、得无骄慢。

晋译贤首品云。戒是无上菩提本、应当具足持净戒。若能具足持净戒、一切如来所赞叹。十善业迹悉清淨、劝化众生持净戒。开发众生求佛道、因是得成清凉光。十回向品云。菩萨若自不修梵行、令他净修梵行。无有是处。自退梵行、令他具足梵行。自破梵行、令他安立梵行。自离梵行、令他立梵行道。自减梵行。令他修习梵行。自不乐梵行、令他乐修梵行。自不住梵行、令他安住梵行。自不究竟梵行、令他究竟梵行。自舍梵行、令他不舍安住梵行。自坏散梵行、令他摄取梵行。俱无有是处、何以故。菩萨摩訶萨如说修行、远离颠倒。又能广说离颠倒法、实语实行。修习清淨身口意业、离诸染污。行无碍处、灭一切障。离世间品云。离慢下意、心无放逸。身口及意、皆悉柔软。无有轻躁。心常欢喜。护持净戒。和颜爱语。先意问讯。远离邪伪。是菩萨智具、自然成就佛法器故。

○增益阿含经释道安序云。此二阿含。其中往往有律语、外国不通与沙弥白衣共视也。而今已后、幸共覆之。使与律同、此乃兹邦之急者也。斯淳淳之海、幸勿藐藐听也。广见而不知护禁、乃是学士通中创也。增益第二卷云。所谓戒者、息诸恶故。戒能成道、令人欢喜。戒瓔珞身、现众好故。夫禁戒者犹吉祥瓶。所愿便克。诸道品法、皆由第成。如是行禁戒者、成大果报。诸善普具、得甘露味。至无为处。戒五卷云。设有作重罪、悔过更不犯。此人应禁戒、拔其罪根原。

长阿含经第十五卷。婆罗门云。戒即智慧、智慧即戒、有戒有智、然后所言诚实、无有虚妄。我说名婆罗门。佛言。善哉善哉。如汝所说、有戒则有慧、有慧则有戒。戒能净慧、慧能净戒。如人洗手、左右相须。戒慧具者、我说名比丘。

正法念处经云。有垢戒者、生於天中。无垢戒者、至於涅槃。世间戒者、则有流动。出世间戒、则无流动。又云。意受持戒故、师则能与戒。无心谄受戒、必定入地狱。又云。自餘死者、唯弃其身。毁

戒比丘、一切善法。皆悉破坏。又云。若受持戒者、可得名为人。一切破戒者、则如狗不异。

中阿含经云。人犯一法、谓妄言是。不畏后世、无恶不作。宁啖铁丸、其热如火。不以犯戒、受世信施。若畏於苦不爱念者。於隐显处、莫作恶业。若不善业、已作今作、终不得脱。亦无避处。又云。若有比丘犯戒破戒缺戒穿戒秽戒黑戒者、欲依戒立戒、以戒为梯。升无上慧堂正法阁者、终无是处。杂阿含经云。世尊告诸比丘、当恭敬住。常当系心、常当畏慎、随他自在诸修梵行上中下座。所以者何。若有比丘不恭敬住、不系心、不畏慎、不随他自在诸修梵行上中下座、而欲令威仪足者、无有是处。不备威仪、欲令学法满者、无有是处。学法不满、欲令戒身定身慧身解脱身解脱知见身具足者、无有是处。解脱知见不满足、欲令得无餘涅槃者、无有是处。本事经云。出家而破戒、二俱无所成。谓失在家仪、及坏沙门法。宁吞热铁丸、洋铜而灌口。不受人信施、而毁犯尸罗、诸毁犯尸罗、无

悔无惭愧。多受人信施、定当生地狱。诸有智慧人、应坚持净戒、勿受人信施、而毁犯尸罗。

○大宝积经三律仪会云。世若有人於别解脱起违背想、则为於佛力无所畏而生违背。彼若于佛力无所畏生违背者、则于去来现在诸佛而生违背。由此未来所受异熟无量大苦。假使三千大千世界一切众生受地狱苦、比前众生所受苦毒、百分不及一。乃至算数譬喻优波尼沙昙分、亦不及一。又云。我终不听执著我见众生见寿者见、补特伽罗见者、於我法中而得出家。我若不许、强出家者、皆为是贼。食重信施、亦不成就真比丘戒。菩萨藏会云。勿自恃持戒、经毁犯戒者。持戒陵於人、是名真破戒。又云。譬如豕猪、行处粪秽、兼又食啖。初无厌恶。众生亦尔、极可怜愍。淫恼所逼、於亲非亲、为诸烦恼之所加害。行魔徒党、魔网所缚。缠裹惑网、陷没欲泥。菩萨观是事已、於彼众生发起大悲。我当为彼宣说妙法、令其永断诸欲烦恼。

又云。我说一切习近欲时、无有少恶而不造者。彼若报熟、无有少

苦而不摄受。又云。出家菩萨、复有五法若成就者。不值佛世、不亲善友、不具无难、失坏善根、不随安住律仪菩萨修学正法、亦不速悟无上菩提。何等为五、一者毁犯尸罗。二者诽谤正法。三者贪著名利。四者坚执我见。五者能於他家、多生慳嫉。譬如饿狗、獐惶缘路。遇值锁骨、久无肉腻。但见赤涂、言是厚味。便就銜之、至多人处。四衢道中、以贪味故、涎流骨上。妄谓甜美、或咬或舐。或啮或吮。欢喜缠附。初无舍离。时有刹帝利婆罗门、及诸长者、皆大富贵。来游此路。饿狗遥见、心生热恼。作如是念、彼来人者、将无夺我所重美味。便发大瞋。出深毒声。恶眼邪视。露现齿牙。而行啗害。如是当来末世、有诸比丘。於他施主。勤习家慳。耽味屎尿。妄加缠裹。虽值如是、具无无难。而便委弃、不修正检。此之比丘、我说其行、如前痴狗。又云。当来之世、我诸弟子。少有比丘、深心希乐、趣般涅槃寂静之法。多依三事以为常业、一者常喜追求世间名利。二者贪乐朋党追求食家、往还不绝。三者喜乐追求华饰房宇、贮

积财宝什物资具。以依如是三种事故、终不解脱三种恶趣。文殊师利授记会云。若有已发菩提心者、乃至微恶终更不作。何所不作、谓贪瞋痴、及以在家威仪调戏、悉皆远离。若出家已、不复希望名利恭敬、安住出家所修行法。又云。菩萨成就一法、令愿不退。严净佛刹。何谓一法、应学不动如来为菩萨时、本所修行。立弘誓愿、我当所在生处、初生之时、若不出家、则为欺诳十方诸佛。如是菩萨、应随顺学。若佛出世、若不出世。一切生处、皆悉决定舍家出家。何以故。菩萨最胜利益、所谓出家。乐出家者、则能摄取十种功德、一者不著诸欲。二者乐阿兰若。三者行佛所行。四者离凡夫行。五者不著妻子、及以财产。六者离恶道因。七者修善趣法。八者宿世善根、皆不损减。九者恒为诸天之所叹羨。十者一切鬼神、恭敬守护。又云。菩萨成就三法。令愿不退。摄受佛刹功德庄严。一者尊重爱乐住阿兰若。二者无所染著而行法施。三者坚固安住净戒律仪。菩萨坚住戒律得十无畏、一者入聚落无畏。二者众中说法无畏。三者饮食无

畏。四者出聚落无畏。五者入寺无畏。六者大众中食无畏。七者教授无畏。八者亲近和尚阿阇黎无畏。九者於自眷属、慈心教诲无畏。十者受用衣服饮食卧具医药无畏。住戒律者、所有言说、令他信受。又云。若菩萨在家出家、宁舍身命、终不破戒。以律持戒、共诸众生回向无上菩提。又云。菩萨成就九法、令愿不退、严净佛刹、一者具身律仪。二者具语律仪。三者具意律仪。四者灭诸贪欲。五者灭诸瞋恚。六者灭诸愚痴。七者不行欺诳。八者为坚固友。九者不轻慢善知识。大神变会云。大千界众生、皆发趣菩提。假令尽一劫、男女以奉施。若人发道意。以信而出家。随佛而修学、其福胜於彼。过去未来世、一切诸如来、无有不舍家、得成无上道。三世一切佛、称赞出家法。若乐供养佛、当依佛出家。设满恒沙界、珍宝供养佛、不如一日中。出家修寂静。彼则近菩提、摧破魔军众。出家不放逸、白法恒增长。不坏众善根、远离诸烦恼。舍於家业累、顺道圣所赞。舍家离恼缚、除恼离魔缚。心解行无染、不久证菩提。摩诃迦叶云。譬

如二人、善解医方。善解咒术。善别毒药。善识甘露。尔时一人、於大众中取毒食之、现希有相。食已受苦、复求甘露咒术、望除毒气。尔时彼人求不能得、毒气炽盛。遂便命终。时第二人、作如是言。我不能食毒药、不须甘露。不欲处众作希有想、令生苦恼。后五百岁、有诸在家出家菩萨、亦复如是。作如是言、如我说法、能除诸罪。转集恶业、言还忏悔。彼於正法堕落退没、名为死人。复有菩萨、其心清淨。既不作罪不须忏悔。但当忏悔过去未来一切诸罪、现在不作。如彼不食毒药。不须甘露。所言毒者、於正法中犯於戒律。又云。宁可一日、百数归俗。不应破戒、受人信施。又云。宁以烧热铁铍为衣。不以破戒之身、而著袈裟。宁吞热铁、不以破戒之身、食人信施。胜鬘夫人会云。毗奈耶者、即大乘学。所以者何、为佛出家而受具足。是故大乘戒蕴、是毗奈耶。文殊师利所说不思议佛境界经云。持戒具足八法而得清淨、一者身行端直。二者语业淳淨。三者心无瑕垢。四者志向坚贞。五者正命自资。六者头陀知足。七者离诸诈

伪不实之相。八者恒不忘失菩提之心。

大集经海慧菩萨品云。客烦恼起生惭愧、即向十方佛忏悔。修集善法调诸根、是故菩提心最胜。又云。不为我见、受持净戒。能坏阴魔。不为有贪、受持净戒、坏烦恼魔。若为远离生死过失、受持净戒、能坏死魔。若能生心、令毁禁者、悉持净戒。受持净戒、则坏天魔。又云。发者、离诸恶戒。作者、至心受持诸净禁戒。观者、至心调伏毁禁之人。如法住者、净持禁戒、不生骄慢。无言菩萨品云。若有受持清净禁戒、不求果报、是名信力。不生烦恼、毁坏禁戒、是名进力。如是净戒、至心护持。愿向菩提、是名念力。观身口意、如水中月。响幻焰等、是名慧力。不可说菩萨品云。若有菩萨自作是言、我是持戒。彼是破戒。如是菩萨、名诳如来。日密分护法品云。若无量僧悉破禁戒、但令五人清净如法、若有施者、得福不可称计。何以故、以有护持佛法者故。怜愍一切诸众生故。其心平等无二相故。破戒比丘虽在众中、受取信施。不得安乐。何以故、破

禁戒故。不如法故。如是人者、一切十方无量诸佛所不护念。虽名比丘、不在僧数。何以故、入魔界故。持禁戒者、即佛弟子。毁禁戒者、即魔弟子。我都不听毁戒之人、受人信施。如葶苈子。大乘本生心地观经云。若有不受如来戒、尚不能得野干身。何况能感人天中、最胜快乐居王位。又云。出家菩萨。以三观门、修忍辱行。名真出家。观诸众生、是佛化身。观於自身、为实愚夫。观诸有情、作尊贵想。观於自身、为僮仆想。又观众生、作父母想。观自己身、如男女想。出家菩萨、常作是观。或被打骂、终不加报。善巧方便、调伏其心。

宝雨经云。菩萨见违犯中、如微尘量、深生怖畏。下至小罪、心怀大惧。况多违犯、而生随喜。何以故、由如来说。比丘当知、多服毒药、能令人死。少服毒药、亦令人死。比丘当知、若多犯罪、即生恶趣。若少犯罪、亦生恶趣。菩萨如是正思惟时、惊怖违犯。又云。菩萨成就十种法、能持毗奈耶藏、一能了知毗奈耶。二能了知毗奈耶